

Broj: 01-1161/25-6

Datum: 16.05.2025. godina

Na osnovu člana 64. stav (1) tačka b), člana 70. Zakona o javnim nabavkama („Sl. glasnik BiH“, broj 39/14, 59/22 i 50/24), te na Preporuku Komisije za javnu nabavku broj: 01-1161/25-5 od 15.05.2025. godine, u postupku javne nabavke roba kancelarijskog materijala, direktor JKP „Komunalac“ d.o.o. Tuzla je donio

ODLUKU o izboru najpovoljnijeg ponuđača

Član 1.

Prihvata se Preporuka Komisije za javne nabavke, broj: 01-1161/25-5 od 15.05.2025. godine i okvirni sporazum za javnu nabavku kancelarijskog materijala dodjeljuje ponuđaču **“R&S“ d.o.o. Sarajevo**, ponuda broj: 15064/25 od 06.05.2025. godine, po cijeni od 9.442,39 KM ukupno bez PDV-a, kao najbolje ocijenjenom ponuđaču.

Član 2.

Prijedlog okvirnog sporazuma o nabavci dostavit će se na potpis izabranom ponuđaču **“R&S“ d.o.o. Sarajevo** u roku od 10 dana.

Član 3.

Ponuđač kojem je dodijeljen Okvirni sporazum je obavezan dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav (1) tačke a) do d) Zakona o javnim nabavkama („Službeni glasnik BiH“, broj: 39/14, 59/22 i 50/24), u roku od 5 (pet) kalendarskih dana. Rok od 5 dana teče od perioda primitka Odluke o izboru najpovoljnijeg ponuđača.

Član 4.

Ova odluka objavit će se na web-stranici www.komunalactz.com.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja.



Javno komunalno preduzeće

KOMUNALAC

društvo sa ograničenom odgovornošću Tuzla

Adresa: Ul. 4. Aprila 7A

75000 Tuzla, Bosna i Hercegovina

PDV: 209232530007 I ID: 4209232530007

Račun Intesa Sanpaolo Banka: 154-360-20047448-17

Račun Raiffeisen Banka: 161-025-00008400-67

Račun NLB Banka: 132-100-2005649-123

Račun Sparkasse Banka: 199-050-00062280-77

Račun Nova Banka: 555-50000348449-81

telefon: 00387 35 302 555 I fax: 00387 35 302 556 I komunalac@bih.net.ba I www.komunalac.com.ba

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-1161/25-1 od 24.04.2025. godine.

Javna nabavka je provedena putem Konkurentskog zahtjeva.

Procijenjena vrijednost javne nabavke bez PDV-a je 15.000,00 KM.

Obavijest o nabavci broj: 781-7-1-144-3-71/25 objavljena je na Portalu javnih nabavki dana 25.04.2025. godine.

Komisija za javnu nabavku imenovana je Odlukom broj: 01-1161/25-2 od 24.04.2025. godine. Komisija za javnu nabavku dostavila je Zapisnik o ocjeni ponuda broj: 01-1161/25-4 i Preporuku o izboru najpovoljnijeg ponuđača broj: 01-1161/25-5 od 15.05.2025. godine, u postupku javne nabavke kancelarijskog materijala.

U postupku dalje je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 5 (pet) ponuda
- da je blagovremeno zaprimljeno 5 (pet) ponuda
- da nije bilo neblagovremenih ponuda
- da nije bilo neprihvatljivih ponuda
- da je 1 (jedna) ponuda nepravilna
- da su 4 (četiri) ponude prihvatljive

Ponuda ponuđača **Neutrino d.o.o. Tuzla** je nepravilna, u skladu s članom 2. stav 1), podtačka 3) Zakona o javnim nabavkama BiH. Naime, komisija je prilikom pregleda ponuda utvrdila da ponuda pomenutog ponuđača ne ispunjava zahtjeve iz tenderske dokumentacije. Ponuđač Neutrino d.o.o. Tuzla u svojoj ponudi dostavio je dokumentaciju traženu tačkom 3.2.3. Tenderske dokumentacije, a kojom dokazuje tražene tehničke karakteristike robe te provjerom dostavljenih dokumenata, na stranici 28 ponude, za traženu stavku pod rednim brojem 40 u Obrascu za cijenu ponude, gdje stoji Heft mašina metalno kućište (klamerice 24/6, spaja najmanje 30 listova), ponuđač Neutrino d.o.o. Tuzla ponudio je Heftalicu „No.24/6 Classic Grip“ brenda Tip Top Office. Navedena Heftalica ne zadovoljava tražene tehničke karakteristike, obzirom da ima ručku izrađenu od plastike, te kapacitet bušenja 25 listova, a što nije u skladu sa traženim karakteristikama. Na osnovu navedenog, ponuda ponuđača Neutrino d.o.o. Tuzla je nepravilna te nije predmetom dalje ocjene.

Komisija je dalje utvrdila da je ponuda ponuđača **“R&S“ d.o.o. Sarajevo**, kvalifikovana i prihvatljiva, dostavljeni su svi traženi dokazi propisani tenderskom dokumentacijom, na propisan način, te da ima najnižu cijenu nakon završene e-aukcije koja je bila kriterij u predmetnom postupku nabavke, odnosno da ima najbolje ocijenjenu kvalifikovanu ponudu. Detaljno obrazloženje razloga za izbor navedeno je u Zapisniku o pregledu i ocjeni ponuda koji se dostavlja uz ovu odluku svim ponuđačima koji su učestvovali u postupku nabavke. Obzirom da je kriterij za dodjelu ugovora „najniža cijena“ odlučeno je kao u članu 1. ove odluke.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.


Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. Stav 1. Tačka b) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU: Protiv ove odluke može se izjaviti žalba, najkasnije u roku od 5 (pet) dana od dana prijema ove odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi u najmanje tri primjerka.

Dostavljeno:

- 1x „R&S“ d.o.o. Sarajevo
- 1x „Aero exclusive“ d.o.o. Sarajevo
- 1x „Alfadivit“ d.o.o. Živinice
- 1x „Inter-com“ d.o.o. Zenica
- 1x „Neutrino“ d.o.o. Tuzla
- 1x a/a

 Direktor
Mr.sc. Admir Bećirović

